


1341

1341

1341



合州志

乾隆巳酉重鑄

命

州

寺

本衙藏板

合州原志序

重慶太守 林興泗

郡邑有誌，卽古列國史乘之遺意也。凡山川疆域、民風物產，皆可周覽靡遺，而其要則在表芳型、彰潛德、樹之風聲，俾都人士有所觀感興發耳。夫嘉言懿行，載在典籍者，何限？然不若同鄉共里，耳目所覩，聞父老所傳頌，尤親切而易入。是以郡治郡，以邑治邑之意，居今日而言教化，當以志乘爲先務矣。乙丑冬，余奉

簡命來守渝州，其疆域則延袤遼廓，民俗則紛雜澆漓，且流寓多而土著少，人心渙而好尚異，如從

合州志

序

原序

暗室索照，欲蒐閱郡志，以求梗概，蔑如也。爰是稠諮博訪，於故老紳士中，僅得抄本數卷，斷簡殘編，什存三四，退食之暇，每思蒐羅成集，而裨官野史，竟同杞宋之無徵，甚可慮也。况各屬之版圖戶籍，阨塞津要及人物之足爲矜式，確可流傳者，又非可以懸揣臆度。故郡志之修，必自州邑始。余日望寮友之共勩厥事者，非朝夕矣。戊辰夏，合州刺史宋君與余有同心，蒞任甫載餘，將平日所採輯編次者，出以示余，意欲檢較損益，以求大備，旋以憂去，亟付剞劂，余亦力爲

愆憑以成其志蓋合誌自明季兵燹後蕩然無存宋君叔其散佚遺亡集而成帙留心於興修沿革之間繫情於忠孝節義之大俾後之官斯土者覽此而得其要概州之人士見此而勵其名節其用心固已遠大而不昧所先務者矣况我

朝承平百有餘載涵濡薰陶其間偉行懿德文人學士應運迭出表揚闡著以式來茲豈容少緩哉余蓋願同事者覩宋君之舉而各勵其志使予得集腋成裘以修郡志完此夙願幸孰甚焉

合州志

序

原序

二

是爲序

原志序

州牧劉桐

志何爲而作也哉古今上下之久薄海內外之遙天地民物之衆與夫災祥休咎因革損益之殊固有不能遍觀而盡識歷久而不忘者志之作於是乎起焉雖然匪第爲備厥紀載已也此其間振衰起靡勵世磨鈍之機以及因地權宜因時立制之道罔不可卽是而觀是則志者史之本史者志之標乎我

國家定鼎以來百年於茲矣疆域之開廣人物之奮興令甲章程之布著卽一郡邑間亦莫不有

合州志

序

原序

三

可以載在史冊傳之後世者存矧蜀號天府而合陽爲巴東名郡也哉第自明季兵蕩之餘典墳灰燼所存者千百什一耳卽有一二留心文獻之士目見耳聞隨在登記未免掛一遺百存不抵亡亦且芸窗寂守姓字不彰此稽古者所爲扼腕而長嘆也歲己酉

世宗憲皇帝

特命儒臣纂修一統志書因

勅直省以通志進郡邑皆得以志呈於戲休哉此非徵文考獻之一機乎使士君子而果有志於世道

人心也卽廣其搜羅大其延訪庶幾殘編斷簡
苔封石碣中尙或有可徵可據畱示後人未之
或知無如其時僅以故事相敷而廢墜猶昔可
勝嘆哉可勝嘆哉丁卯春予同年友在中宋公
以中州名進士由健邑令擢牧是邦下車後察
郡志無存卽慨然有修復之志唯時有譚生王
書携其師鄒孝廉珩藏稿至曰懷此已若干年
矣恐當事者目爲迂疎不急之圖逡巡弗敢遽
進我公儒者也故敢以陳公得是篇於退公之暇
不憚勞瘁親爲編檢尤復訪之故老覓之殘碑

攷之別集質之當時書成凡若干卷甫欲壽之
棗梨傳之奕禩越明年聞父憂中丞紀公令予
代篆事旣至公出所修稿本示予曰是固予志
之未卒者今方寸亂矣以囑君予披其集義例
精嚴條類晰密有典有則不蔓不支如志學校
則美富襍陳志科第則珪璋羅列疆域志而扼
塞要津燎如指掌沿革志而興修裁抑晰若抽
絲其尤足以動人之慷慨激昂者有忠孝節烈
足以動人之嘆賞流連者有文藝詩歌其他表
備更難僕數不禁恍然曰是豈徒爲備厥紀載

乎實他日

國史之一助已夫公以良史之才爲良吏茲復以史
治之餘試史學此誠以世道人心爲已任者之
所爲也豈若蚓竅蠅聲文墨自喜者可同日語
哉予又奚忍藉口於五日京兆自外於士君子
林乎奚命梓人刻日成之則予今日之志亦卽
公之初志也夫

原志跋

羅醇仁

邑之有志非但以稽疆里考因革載風土典故
侈觀覽見聞也實於修已治人化民成俗之道
兩有裨益焉蓋人性雖無不善而中人之資必
有所觀感而後奮千里一聖百里一賢非不
以興愚柔然足不出戶庭行不踰井里何若身
之所歷目之所覩祖父所傳聞之爲確而有據
是故論家國齊治修志似非所急而古良有司
無不汲汲於此以所係誠重且大也先王之制
自二十五家之間書其恭敏任恤等或月紀其

合州志

跋

原跋

六

學行或歲考其道德故民之賢能技業吏無不
知而才亦易成秦漢以還井地廢王政缺然州
都中正之職尙修之郡國鄉閭士女之行多見
於史官猶有所考察旌勸晉常璩作華陽國志
本陳壽耆舊傳說者謂壽嘗爲郡中正故能若
此之詳非其明徵歟隋唐急事緩政其制廢而
不舉潛德隱行遂非野史紀述無由自見民日
傲俗日卑有志教化之吏乃不得不以修志爲
急務矣宋趙清獻公抃作成都古今集三十
卷後八十七年王恭簡公剛中作續記二十二

卷又十八年范石湖成大作古今丙記十卷又六年胡長文元質作古今丁記二十五卷按四公皆宋室名臣百年之間四經纂輯豈非以惟志爲能宏宣風教哉我川舊志毀於兵燹我朝深仁厚澤已浹肌髓百餘年來惟志未經纂修有明以前建置沿革封域徃賦人物藝文猶可於省郡二志搜羅萬壹至獻賊蹂躪之際忠魂義骨孝子悌弟碩產鴻儒各篇佳構與塵埃野馬同沒於荒野蔓草無一傳者非以歲月久遠文獻無存故耶假令前此使君知志之有關風

教早爲留意豈特離亂幽潛不致無徵百年之內相觀而善者不知凡幾其賢於傷肌膚之效不待辨而知矣石湖著古今丙記云續記距今纔十八年雖事之當書不至甚夥然恐自是日月寢久來者難考昔賢之用心如此曷勝歎息乾隆丁卯春覃懷宋公起進士自隄爲擢領州牧甫下車卽慨厥心顧軍務頻仍弗暇也踰朞興廢補敝政通人和葺文廟修濂溪書院創唐刺史張柬之祠落成方謀聘士纂輯適以憂去州人知公有夙稿請付梓人成是篇公沉毅在

大畧居平顛顛未嘗以言語文字先人及義所
當爲則慷慨直前絕不爲旁議撓異日必能擔
當天事此特小試耳詎足爲公多乎哉嗚呼
既有政以孚其惠又有書以憲厥後公之於我
州亦可謂志得而道備矣質之清獻諸賢何多
讓焉惟我桑梓爭自濯磨行誼益篤風俗益淳
以綿德化於無窮毋使人謂有志之合與無志
之合等是所以報公也



原志姓氏

州宋 錦河南武陟縣進士

劉桐山東濟寧州舉人鑲白旗籍

舉何良臣

貢生董漢文

吏目鄭作璪

貢生譚玉書

董樞

苟企潼

程明述

合州志

卷之首

姓氏

九

重修合州志序

渝東為全蜀鎖鑰山水尤奇
介渝右沔流而上二百里為
古墊江涪宕嘉陵三水交匯
於前更以合名州昔人謂其
山川秀異風土樸厚有先民
之遺余神往久之乙巳春承

序一

乏茲牧下車之始謁
廟覽城郭形勝益信所傳聞
者非誣欲驗盛衰知沿革繙
閱舊乘缺有間矣蓋合志久
湮無考乾隆十三年前牧宋
公錦搜集散失繼任劉公桐
叅訂付梓迄今越四十年生

齒日繁戶口日增江漢炳靈
每多傑出不重為蒐羅補輯
舊聞則畧焉弗備寔貽守土
者羞壬寅夏水漲而溢
學宮城堤因之圯清泉左公
修緒謀舉廢墜兼及於志屬
邑人劉君世儀諮訪漏遺又

敦請安居太史王公汝嘉。總
其事乃始創而左公去王公
作古遂使後來者徒生慨慕
未勒成書余莅任之明年進
諸紳士縮俸勸輸諸大役皆
落成並製文記其顛末志則
凡例一帙經王公提綱挈領

體例可循爰延郡孝廉張君
乃孚庚續而集成之所以紀
風俗考政治別泝慝者於是
乎在豈獨邑乘之光抑以見
我朝涵煦合民之深且久也夫徵
文考獻昭示來茲長吏之責


也周禮外史氏掌四方之志
上於朝俾天子周知都邑廢
興與民生樂苦三代而後史
不復設邑皆有志若常璩之
志華陽宋敏求之志長安康
德涵之志武功雄深典則可
與王會職方並傳不朽志垂

之中史筆寓焉余愧乏經術
以飾治具日惴惴於成已成
物之道求遠於俗吏之所為
而後平其心以酌事理之宜
明其識以達古今之要誠其
意以立政教之本舉凡善善
惡惡是是非非一準諸三代

聖天子一道同風之化此則余之
之直則禮可興而古可復州
人士咸得觀摩陶泚仰承
急急於斯所為愆慙以觀厥
成者也至若江山名勝之所
以流傳人情物理之所以散
殊事業文章之所以炳著珥

誥

筆者自能詳覈之無容多贅
一詞矣是為序
乾隆五十三年七月立秋日
授奉直大夫知重慶府合州事
金陵周澄撰



叙

甚矣為志之難也太史公周覽天下名山大川博聞洽見胸中洞然瑰養奇傑之氣糞為文章故龍門諸論傳體例精



嚴言文旨遠後之言史者莫不昉焉後漢東觀大集羣儒著述無主條章靡立由是見談當代貽嗤後葉他如陳壽之志三國魏收之成魏史